

## 七言絕句六首

### 買菊

朝行山徑過清渠，老嫗蹣跚菊滿車。  
欲買秋風花一束，冰肌白瓣可烹魚。

### 秋來

金蟬斷影短門垣，未許輕愁院裡翻。  
向晚霞雲棲雁字，昏沉道是去年魂。

### 向晚

暗霞如赭水如箋，柳道土墀漫紫煙。  
借問長風歸倦客，爲誰無盡寫江天？

### 螢火

殷勤尋覓總無功，花季年年憶對叢。  
苑裏空寥清秋夜，猶提星火照殘紅。

### 端午有感

哀麗難書離國恨，亡心騷痛諫危邦。  
曩時宮苑荒蕪地，今此留人弔汨江。

### 閒適有感

時移不覺暮臨房，課罷歸來誦老莊。  
寂寂春涼催往逝，騷情何寄夢黃梁。

## 七言律詩五首

### 病中觀書

日斜塵落畫樓西，風急雲低蔭柳隄。  
藤榻未收聞苦藥，柴扉半掩煮香梨。  
病中坐臥觀書冷，夢裡徘徊覺意迷。  
蕭蕭暮影沉沉下，忽感秋聲滿山溪。

### 雨中作

風雷微發擾人眠，樹影沉青泣老蟬。  
竹雨輕敲聲淅瀝，荷香暗送意纏綿。  
迷濛薄霧柔成翼，繾綣流光細似煙。

臥對落絲吟草稿，披衾懶看墨潮天。

### 夜燈

未將寥語訴窮秋，瘦黑磨銅漬獸頭。  
淺焰送波烘綠蟻，濃溫溢室暈黃流。  
戍邊曾照征夫淚，停驛同題墨客愁。  
空寂乾坤無盡處，猶存孤館一光留。

### 頤和園玉瀾堂懷光緒帝

湖畔青柳鎖紫微，一朝圖奮十年非。  
高牆無語空寥夜，藻繪徒髡慘澹闈。  
孤憤難吞珠玉饌，傷情獨擁錦鸞衣。  
明年春草萋萋發，猶記園深鳥不飛。

### 閱畢《錦松詩稿》有感

終日愁言把酒澆，讀詩溪畔學漁樵。  
醉眠南院人憑樹，夢覺西灣夜泛潮。  
近歲花前催髮鬢，何時月下聞琴簫。  
多情猶客天心老，一闋江城憶昨朝。

### 七言古詩二首

#### 寒天聽雨草成詩作贈小雪

銀光乍碎遍玉屑，疏影橫窗枝如鐵。蟾精冷落桂宮外，總說悔將靈藥竊。  
河漢飄星伴廣寒，二十八日盈復缺。夜夜天上閱人間，年年愁把桂子擷。  
礪城女兒多情思，芙蓉芳心若冰潔。柔姿猶帶豪情骨，杯中不拘真女傑。  
北城歸憶當時事，始知春風容易別。記汝酡顏紅，酒瓶襯綠正豔絕。  
斜倚台階雙瞳翦，裁得霜月映梅雪。

#### 擬南山隱曲

頭頂斗笠身披蓑，荷鋤輕鞋穿晚禾。菅芒山草隨風曳，溪點白鷺暮色多。  
春日花蝶雨中過，夏看飛螢綴柳波；秋收蓮房剝香籽，冬捧粗茶閒書磨。  
曉侵繁露道未晞，客久行逢夜渡河。四時佳興苦樂半，晨昏短長又幾何。  
縱是三白亦有味，心有菩提更無他。一瀉銀河碗中流，山崗石漱正朗歌。  
欲尋桃源未有處，笑指避世此陂坡。

### 五言絕句三首

### 金瓜石登高

崖亭臨水望，天際走風雲。  
寂寞空回首，荒山遍野墳。

### 題墨竹圖

檀欒交淺影，款款黛雲舒。  
不見僧身度，龍吟拂清渠。

### 隨筆

春風吹笛落，喚夢醒猶嗟。  
意懶憑書臥，雲停日影斜。

### 五言律詩三首

#### 蘭潭記遊

曲徑環山遠，登亭望碧潭。  
秋光含柳翠，雲水映天藍。  
如見蘭亭醉，復聞汨水談。  
行吟汀渚畔，風勁步猶酣。

#### 晨上山庵

晨雲泛碧藍，梵讀遍山庵。  
昨夜天星滿，今朝徑翠酣。  
惟存乾井眼，正對旭潭嵐。  
云是求清淨，佛前花與柑。

#### 夜遊

中宵邀老友，踏月賞山梅。  
屐響空林靜，風清小道迴。  
星疏應秉燭，冬冷更持杯。  
學古遊情晚，折枝且去來。

### 五言古詩三首

#### 古詩一首贈文藝營第十小隊學員

林暗雨紛飛，溪畔人跡遠。江煙沙渚白，水映暮色晚。  
悠思意難忘，徘徊步山厝。夢窗滴檐寒，曉露侵枕具。  
筆下難盡書，一首離別曲。清商懷所發，念茲何躑躅。

### 記友威中贈印題古風一首

君贈紋石印，上鐫不才名。攜自菊島來，咸令感盛情。  
石身何磊磊，字削何歷歷，盒以紅紗妝，水雲飾如滌。  
花羽鑲其上，海潮生其間，夜聞泛湧意，猶疑夢臨灣。  
浪沙復堆積，潮信無改日，思君難成寐，海上明月出。  
鯨豚低鳴唱，夜永獨放歌，信步堤岸上，冷月照寒波。  
是君知儂深，擷以海韻寄，凝石比諸誼，豈誓爛石志。  
珍藏時撫之，念彼時墜淚，窗外冷柯月，應知吾情意。

### 冬夜難寐草成

凜冬無所之，蝸居斗室內。夜深難成寐，輾轉聞犬吠。  
臨窗望遠方，天北星如晦，燈下筆頭斷，籬外蟲聲碎。  
遙想年少時，立志效諸葛，而今意氣衰，豪情不曾奪。  
數載異鄉客，出外念故土，於今猶紛紛，哀哀蒸民苦，  
幾時歸隆中，再耕舊時圃？思情歲易老，傷寒久離恨，  
幽憤獨徘徊，殘月寄吾願。

### 詞六首

#### 漁歌子 閒情

買進春風院裏栽，覺來斜倚美人懷。裁日影，掃苔階，花香鳥語過街來。

#### 江城子 懷舊

江清月闊尺書長，桂花香，晚風涼。秋夜漫漫，對影盡瓊漿。拍遍案頭皆舊緒，  
思憶處，小樓旁。蓮軒猶記曩時章，意茫茫，暗神傷。殘菱敗葉，猶感逝流光。  
年少幾曾知悵惘，言折柳，是輕狂。

#### 水龍吟 再書後村事

勿彈別鶴傷情，道中松月堪孤館。早寒料峭，夢魂繾綣，醒時淚泫。枕卻茅床，  
放閒雲觀，十年憂蹇。愛稼軒陶令，雖云淡泊，詞頻寄、言狂簡。豈罪梅詩牽  
累，退江湖、名傳黔宦。獎提後進，江南爭價，論聞長短。唯憾殘身，壽姦成污，  
莫非明辨？水驛思舊事，暗香片落，正歸鐘晚。

#### 江城子

曉窗望遠墨雲平，近山明，斗星橫。昨夜夢迴，猶自暗傷情。晨露侵櫺風擺盪，  
湘竹咽，別愁增。幾曾夜夜闌干憑，是秋燈，是蟲聲。寤寐輾轉，徹夜響風鈴。  
短燭寒衣人獨立，花不語，淚輕凝。

鷓鴣天 春日

細柳翻飛拂碧泓，黃鶯啼轉破平明。東風十里瀟湘館，滿園幽香一徑青。雲影動，日光行，雙溪山色正清澄。無聊閒把鞦韆盪，猶見依稀花信聲。

朝中措 觀影夜奔有感

燭殘猶映捧金觥，雪落滿窗櫺。乍見匆匆行色，怎知已是幽冥。生離死別，去鄉佛鬱，異域伶仃。輾轉夢迴似訴，孰云戲子無情？

曲二首

慶東原 嘲樂透

聞開獎，喜欲狂。手邊工作先閒放。正燒根好香，求神四方，盼頭彩能得償。我見佛祖嘆迷茫，皆是一場虛妄。

四塊玉 秋

沉碧天，蒼苔砌，冷落黃花蛺蝶飛，鞦韆歇葉聲聲細，北客羈，霜雁徙，不堪醉矣。